
OFFERYNNAU STATUDOL CYMRU

2008 No. 18

**Rheoliadau Grantiau Dysgu'r Cynulliad
(Sefydliadau Ewropeaidd) (Cymru) 2008**

RHAN 4

CYMORTH ARIANNOL

PENNOD 4

GRANTIAU ATODOL

Swm y lwfans myfyrwyr anabl

25.—(1) Yn ddarostyngedig i baragraff (2), swm y lwfans myfyrwyr anabl yw'r swm y mae Gweinidogion Cymru o'r farn ei fod yn briodol yn unol ag amgylchiadau'r myfyriwr i fod yn gymorth at un neu ragor o fathau o wariant cymwys.

(2) Rhaid i swm y lwfans myfyrwyr anabl beidio â bod yn fwy na £10,000 mewn cysylltiad â blwyddyn academiaidd.

(3) Y "mathau o gostau cymwys" yw —

(a) gwariant ar gynorthwydd personol anfeddygol;

(b) gwariant ar eitemau pwysig o offer arbenigol;

(c) unrhyw wariant ychwanegol a dynnir—

(i) yn y wlad y lleolir y sefydliad perthnasol ynddi er mwyn bod yn bresennol yn y sefydliad; a

(ii) yn y Deyrnas Unedig neu y tu allan iddi at ddibenion teithio i'r sefydliad perthnasol er mwyn bod yn bresennol ar y cwrs perthnasol.